

## Elecziuns communalas Surses 2021

Tenor igl art. 12<sup>bis</sup> dalla lescha da votaziuns e d'elecziuns succedan las elecziuns pigls commembers dalla suprastanza communal da nov an etappas ed an en turnus da mintgamai 2 onns.

La suprastanza communal è fixo suandontamaintg igls termins per las elecziuns an tavla:

- termin pigl 1. scrutini: 26-09-2021
- termin pigl 2. scrutini: 28-11-2021

Igls suandonts uffizials èn d'eliger:

- 2 commembers dalla suprastanza communal (coz d'uffezi digl 01-01-2022 anfignen igls 31-12-2025)
- 1 commember dalla cumischung da gestiun (elecziun da ramplazzamaint anfignen igls 31-12-2023)

Perveia dalla midada digl modus d'elecziun òn:

- igl commember da suprastanza Otmar Netzer inoltro la sia demissiun; el na candidescha betg ple
- igl commember da suprastanza Romeo Poltera declaro da libra voluntad da sa metter a disposiziun per ena reelecziun.

Per muteivs profesiunals è igl commember dalla cumischung da gestiun Marco Jäger decida da sa retrer digl uffezi avant taimp. Percheigl è da neir fatga en'elecziun da ramplazzamaint per el.

Per las elecziuns vala la procedura stipulada ainten la lescha da votaziuns e d'elecziuns digl cumegn da Surses (art. 12 ss). Las propostas electoralas pigl ampren scrutini èn d'inoltrar an scretg anfignen igl pi tard **la gievgia, igls 26 d'avost 2021**, alla 17.30, all'administraziun communal a Tinizong (u tar igl scrivant da cumegn ni agl spurtegl digls sarvetschs d'abitants). Propostas electoralas tgi aintran pi tard n'èn betg valevlas. Ena proposta electorala na dastga betg cuntigneir duple candidats tgi posts libers.

Glistas per propostas electoralas pon neir retratgas a parteir dad immediat agl spurtegl digls sarvetschs d'abitants a Tinizong u scargedas dalla pagina d'internet [www.surses.ch](http://www.surses.ch) (rubrica politica/elecziuns communalas). Propostas electoralas fatgas pigl ampren scrutini valan er pigl sagond scrutini, schinavnt tg'igl candidat na reteira betg la sia candidatura. Pertutgont las elecziuns pigl sagond scrutini valan las mademas determinaziuns scu pigl ampren scrutini.

Las persungas cun dretg d'eliger survignan igl material d'elecziun (glistas cun igls noms dallas candidatas resp. candidats nominos per l'elecziun scu er igls cedels d'elecziun) aglmanc 14 deis avant la votaziun all'urna. Tant la constituziun communal scu er la lescha da votaziuns e d'elecziuns pòn neir retratgas alla canzleia communal a Tinizong u scargedas dalla nossa pagina d'internet [www.surses.ch](http://www.surses.ch) (rubrica administraziun/leschas e reglamaints).

---

Infurmaziuns: Leo Thomann, mastral (e-mail: [leo.thomann@surses.ch](mailto:leo.thomann@surses.ch), tel. 079 405 9673)

Tinizong, igls 15-7-2021